

遇陷以富貴遲勵聲叱賊賊怒欲兵之爲璉請代父子俱遇害未幾爲瑚亦被殺

馮雲路字漸卿諸生年三十棄舉子業居鄂城從賀逢聖講學著用書百餘卷直指林鳴球疏薦並採其書進覽流寇逼楚以書報賀云在內以寧湖爲止水在外以江漢爲汨羅寧湖雲路所談經處也城且陷遂懷所著藏易投寧湖以死

能霄字渭公諸生與馮雲路同寓鄂城破前一日別

馮云大丈夫當從節義中尋實地某明日於某樹

下書熊渭公死所幸爲語母弟已而賊至霄端坐樹下不動休以刃霄怒罵奮身投荷池死著有性理格言春秋主左十三經注疏評畧大易叅立齋古今文及圖書懸象諸書

汪陞延一名三奇字亦常諸生貌古心樸從馮雲路遊嘗註五經成癸未寓居鄂城會城破死之

史子見諸生明末里有毛主伯者爲獻賊僞總兵至新家冲搜括富室招納亡命子見憤甚殺主伯獻忠怒下令三日不獲子見屠其鄉子見挺身往賊